

# Dem Elchi säin Newsletter

Léif Elchekanner,

den Elchi mellt sech kuerz nom Studentebal mat den neisten News aus dem Schwarzwald zeréck.

## Réckbléck

Leider huet d'Wieder elo schonn dat zweet Joer hannerteneen dem Elchi seng Pläng fir Nationalfeierdag duerchkräizt. An trotzdeem hu sech eng Rëtsch couragéiert Leit am Cheers zesummefonnt, déi dem stiermesche Wieder getrotzt an dem Heng all Eier gemach hunn – an dat mat e puer klenge Specials! #mamSlufAmSuff ⚡

De 25. Juni war den Elchi mat e puer Membere bei Neuried Soccergolf spillen. Bei sonnegem Wieder goufen hei d'Prezisioun an d'Technik vun de Spiller enner Beweis gestallt. ⚽ 🚩

Fir direkt gutt an de Juli ze starten, waren d'Wäinconnaisseur\*innen aus der Elchefamill den 1. Juli de regionale Wäin op d'Freiburger Wäifest um Münsterplatz degustéieren. 🍷  
Eise Fazit: de Wäin ass nawell gutt geruscht! 😊



“Klein, aber fein” war d'Grupp, mat der den Elchi du sonndes wandere gaangen ass. Et war e flotten Tour iwwert de Feldberg a laanscht de Feldsee. Fir d'nächst Joer hofft den Elchi, datt hien nach e puer méi Wanderbegeeschtert kéint duerch eise schéine Schwarzwald féieren. 😊

## SLUF-Trikot

Dir kënnt iech momentan nach ëmmer een vun eise winnerschéinen neien Trikoten iwwert dëse Formulaire sécheren:

<https://forms.gle/4sC8yPj2jPYzxGSu6>

AWer net méi laang, dofir maacht iech bäi!

Besonnenesch interessant ass dat fir all déi, déi d'nächst Semester beim Tournoi de Noël wëlle matmaachen! Awer och fir jiddereen, deen sech beim Sport maachen einfach gären zu de Faarwe vum Sluf bekennt! ❤️🐕

## Sluf Trikot 2022 Custom Design



(A jo, den Trikot huet och Äerm.)

---

Schwéieren Häerzens musse mir iech leider matdeelen, datt mir d'Straba-Party dëst Joer net kënnen organiséieren. Bis zu Lescht hate mir nach Hoffnung, mee wéinst Covid ass dat leider nach ëmmer net méiglech. Aus deem Grond hu mir dann elo d'Grillparty op de 16. Juli no vir gezunn. D'35-Joer-SLUF-Feier gëtt aus diverse Grënn an d'Wantersemester verluecht. Am Kalenner steet schonn de genauen Datum.

### Grillfest

“Grill ass un!” Net méi laang musst dir waarden, bis datt dir dës dräi wonnerschéi Wieder nees héiert. 🤗 Den Elchi invitéiert nämlech op säi Grillfest de **16. Juli ab 16h um Grillplatz Silberdobel** bei der Wonnhalde.

Gesuert ass fir:

- Grill(-material) a (Grill-)Meeschter 🤗
- Béier, Radler, Wäin, Softdrinks an natierlech de legendäre Schwarzwald Caipi 🍷🍷🍷
- Béierpong, Spikeball, Flunky Ball, Musek, ... 🤗🎵

Fir alles gutt plangen ze kënnen, biede mir iech ëm zwou Saachen:

1. Mellt iech bis de 14. Juli um 12h iwver follgende Formulaire un:

<https://forms.gle/JGY5cMJYmUxTRj8v9>

2. Bezuelte eisem Tresorier:

- 15€ wann dir Member bzw. Suff-Tourist sidd
- 20€ als Net-Member

entweder als Digi op +352 621 712 204  
oder maacht eng Iwwerweisung: LU28 0019 5855 2238 5000

Aus organisatoresche Grënn misst dir dann är Gegrillts, Baguette, Teller esou wéi Besteck matbréngen. Zéckt och net är\*e Partner\*in oder Besuch vu Lëtzebuerg unzemellen a matzebréngen! 🧑🧑🧑🧑🧑



**Hei de Kalenner mat alle weideren Eventer:**

16. Juli	Grillfest
27. an 28. Oktober	Studentefoire
4. bis 6. November	35 Joer SLUF

De **Stammdësch** fënnt weiderhin **all Mëttwoch am Cheers** statt.

Haalt äert Gewei weiderhi schéi steif,  
Ären Elchi